

Izjava: Reakcija OHR-a povodom odbijanja Dragana Čovića da odstupi sa funkcije

Sa dubokim žaljenjem smo primili izjavu predsjednika Čovića da ne namjerava odstupiti iz Predsjedništva BiH iako je Sud BiH potvrdio optužnicu protiv njega. Povjerenje građana BiH i međunarodni ugled bosanskohercegovačkih institucija se time ozbiljno dovodi u pitanje i to u trenutku kada bh. građani vape za višim standardima u javnom životu i razlazom sa političkom kulturom iz prošlosti.

Predsjedništvo BiH, između ostalog, ima nadležnost za međunarodne odnose. Međunarodna zajednica je jasno rekla da ne želi surađivati sa članom Predsjedništva BiH protiv kojeg je podignuta optužnica. Upravni odbor Savjeta za implementaciju mira je jasno prezentovao svoj stav da dr Čović treba dati ostavku zbog međunarodnog ugleda BiH i integriteta funkcije koju obavlja. Iste poruke su u posebnim izjavama uputile i Evropska unija, SAD i Kanada.

Visoki predstavnik se trenutno obraća Savjetu bezbjednosti UN-a. On će analizirati situaciju i svoje odluke objaviti nakon povratka u Sarajevo. Visoki predstavnik se u međuvremenu nada da će predsjednik Čović iskoristiti praznični period te još jednom razmotriti svoju poziciju i štetu koju bi ostajanjem na funkciji nanio integritetu bh. institucija.